

 novine
(<https://www.nezavisne.com>)

Naslovna > (/) Novosti > (/novosti)

Hronika

Pratite nas na Google news (<https://news.google.com/publications/CAAqKAgKliJDQkITRXdnTWFnOEtEVzVsZW1GMmFYTnVaUzVqYjIwb0FBUE?oc=3&ceid=RS:sr>)

Ubio prijatelja dok su bili u krivolovu



Foto: ilustracija | Ubio prijatelja dok su zajedno bili u krivolovu

Zlatan Čekić

05.07.2017 11:45 → 15:45

BIHAĆ - Lovac Rasim Smajić (36) iz Bihaća smrtno je stradao proteklog utorka, kada ga je tokom noćnog lova nenamjerno hicem iz puške pogodio njegov kolega Elmin Felić (24).

Prema informacijama iz policije, slučaj je prijavljen pomenutog dana oko 23 sata, a dogodio se na lokalitetu Bugar, petnaestak kilometara od Bihaća. Snježana Galić, portparol MUPa USK, rekla je kako se sve dogodilo na nepristupačnom terenu te da je uviđaj na licu mjesta obavljen tek danas u jutarnjim satima.

Prema preliminarnim rezultatima policijske istrage, Smajić i Felić su se rasporedili na različitim mjestima te su organizovali čeku s planom da ustrijele divljač.

U jednom trenutku Smajić je nenajavljeno krenuo prema kolegi lovcu, koji je pomislio da je u pitanju divljač, te zapucao u njegovom pravcu. Od zadobijenih rana nesretni Smajić je preminuo na licu mjesta, a Felić je odmah obavijestio policiju i Hitnu pomoć.

Međutim, po dolasku liječnici su samo mogli da konstatuju smrt. Saznajemo kako je ovom slučaju vjerovatno doprinijelo i Felićevo neiskustvo, s obzirom na to da je tek nedavno postao lovac.

U Lovačkom društvu Bihać su izrazili žaljenje zbog ovog nesretnog slučaja, potvrdivši kako ovih dana nije planiran lov, što znači da su Smajić i Felić bili u krivolovu.

Nakon što je saslušan u MUP-a USK, Felić je predat nadležnom kantonalnom tužiocu, a ovaj slučaj je okvalifikovan kao ubistvo iz nehata. Ubistvo na Bugaru u blizini Bihaća treći je slučaj ubistva u lovu u manje od mjesec u BiH.

Podsjećamo, u lovu na području planinskog prevoja Korićine, koji se nalazi između Livna i Glamoča, u subotu, 10. juna, smrtno je stradao 57-godišnji I.M. iz Livna, kojeg je pucnjem iz lovačke puške nehotice ubio njegov prijatelj 83-godišnji I.M.

Admir ef. Vuković, tridesetšestogodišnjak iz Zavidovića, koji je živio u Mokronogama, gdje je i vodio tamošnji džemat, ubijen je, a njegov zet Mesud Krajinić je ranjen 27. juna tokom krivolova u mjestu Stoga u Zavidovićima. Na njih su, dok su nosili hranu životinjama, pucali otac i sin P.H. i E.H.

Dijeli 0




(viber://forward?text=http://www.nezavisne.com/novosti/hronika/Ubio-prijatelja-dok-su-zajedno-bili-u-krivolovu/433350)



(http://chats.viber.com/nezavisne)

Prigovori i ispravke (mailto:urednik.citatelj@nezavisne.com?subject=Prigovori%20i%20ispravke&body=Naslov:%20Ubio%20prijatelja%20dok%20su%20bili%20u%20krivolovu%20)



Pošaljite komentar (http://www.nezavisne.com/novosti/hronika/Ubio-prijatelja-dok-su-zajedno-bili-u-krivolovu/433350/komentari)

Izneseni komentari su privatna mišljenja autora i ne odražavaju stavove redakcije Nezavisnih novina.

0 komentara

Poredaj po: Najnovije



Dodaj komentar

Plugin za Facebook komentare